

## Morning Regional Dogri News Bulletin, 18<sup>th</sup> August 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

### Headlines

1. विधानसभा चुनावं दी घोषणा दे बाद जम्मू कश्मीर च चुनावी गतिविधियां तेज, सियासी पार्टियां मतदाताएं गी अपने पक्खै करने लेई नीतियां पर कम्म करा करदियां न।
2. फौज दी उत्तरी कमान दे अध्यक्ष लैफ्टिनेंट जनरल एम.वी.सुचेन्द्रा कुमार होरें जम्मू कश्मीर दे विशेष पुलस महानिदेशक नलिन प्रभात हु दं नै मलाटी कीती ते केन्द्र शासत प्रदेश दी सुरक्षा सििति बारे सोच बचार कीता।
3. भारत नै संयुक्त राष्ट्र च सुधारें दी जरूरतै पर परतिये जोर दिंदे होई आखेआ ऐ जे एहदी दुनिया भरै च लोड़ मसूस कीती जा'रदी ऐ।
4. ऑंदी जूनियर बैडमिंटन चैंपियनशिप लेई भारत अपना 39 मिंबरी दल भेजोग।

<><><><><><>

### Election-JK

जम्मू कश्मीर च विधानसभा चुनावं दियां तैआरियां जोरें शोरें कन्नै जारी न। सियासी गतिविधियां बी बक्ख-बक्ख पार्टिएं आस्सेआ चलाइयां जा'रदियां न, तां जे मतदाताएं गी अपने पक्ख च कीता जाई सकै। जम्मू कश्मीर दे 2019 च केन्द्र शासत प्रदेश बनने मगरा इत्थें पैहली बारी विधानसभा चुनावं होने जा'रदे न। चुनावी हल्कें दी बी नमें सिरेआ हदबंदी कीती गई ऐ ते एह कम्म 2022 च पूरा होआ ऐ। लोक अपने नुमायंदे गी चुनने ते चुनावं लेई प्रक्रिया च शामिल होने लेई पूरी चाल्ली तैआर ते बड़े मते उतसुक न। तां जे मकामी मुद्दें दा हल होई सकै। दूई भेठा सियासी नेता बी अपने सियासी भविक्ख गी आजमा'रदे न। अदालतै पिछले ब'रे एह हिदायत कीती ही जे जम्मू कश्मीर च 30 सितम्बर चुनावं करोआए जान।

पैहले गेड़ तैहत 24 विधानसभा हल्कें च वोट पाए जाने न। 2024 गी होने आले चुनावं आस्तै अधिसूचना 20 अगस्त गी जारी कीती जाग।

<><><><><><>

## NC-Election

जम्मू कश्मीर दे साबका मुखमन्त्री ते नैशनल कांफ्रेंस दे प्रधान डॉ. फारुक अब्दुल्ला होरें पार्टी कार्जकर्ताएं ते नेताएं गी आखेआ ऐ जे ओ जम्मू कश्मीर च 18 सितम्बर कोला शुरू होने जा'रदे विधानसभा चुनाएं लेई पूरी चाल्ली तैआर होई जान। कल पार्टी कारकूनें गल्लबात करदे होई पार्टी दे इक होर वरिष्ठ लीडर अजय सढोत्रा होरें आखेआ जे पार्टी दा संसदीय बोर्ड नैशनल कांफ्रेंस दा मुखमन्त्री दे औहदे लेई मेदवार घोशत करने बारे फैसला औने आले किश दिनें दे अंदर अंदर लेई लैग। उनें मेद प्रगट कीती जे डॉ. अब्दुल्ला होरें विधान सभा चुनां नेई लड़ने दे अपने फैसले पर इक बारी परतियै बचार करगंन।

<><><><><><>

## DDAP-Apni Party

साबका मुखमन्त्री गुलाम नबी आजाद हुंदी पार्टी डैमोक्रेटिक प्रोग्रैसिव आजाद पार्टी डीपीएपी गी कल उसलै इक बड्डी पछाड़ लग्गी जिसलै एहूदे वरिष्ठ लीडर ताज मोहिउद्दीन होरें परतियै कांग्रेस च शामिल होने दी घोषणा करी दित्ती। ताज तोहिउद्दीन कांग्रेस दे इक मदावर नेता हे, जिनें गुलाम नबी आजाद हुंदे कांग्रेस छोड़ने ते अपनी बक्खरी पार्टी बनाने दे फैसले पर कांग्रेस छोड़ियै आजाद हुंदे कन्ने जाने दा फैसला लैता हा। तोआई जम्मू कश्मीर अपनी पार्टी दे उपप्रधान चौधरी जुल्फकार अली होरें कल नमीं दिल्ली च गृह मंत्री अमित शाह होरें गी जाइयै मिले। मलाटी दरान दौनें नेताएं बश्कार केहू गल्लबात होई एहूदे बारे कोई जानकारी ते नेई ऐ पर पिछले किश दिनें तिमां एहू चर्चा जरूर सुनने च आवा करदी ही जे ओ जम्मू कश्मीर च विधानसभा चुनाएं कोला पैहले बीजेपी च शामिल होई सकदे न। उनें 2008 ते 2014 दे विधानसभा चुनाएं च पीडीपी दे टिकट पर राजौरी जिले दी दरहाल विधानसभा सीट परा जित्त दर्ज कीती ही। ओ 2015 कोला लेइयै 2018 तोड़ी कैबिनेट मंत्री बी रेही चुके दे न।

<><><><><><>

## BJP Election

जम्मू कश्मीर च होने आले विधानसभा चुनाएं गी दिकखदे होई प्रदेश बीजेपी दे नेता इसलै दिल्ली च न तां जे चुनां सरबंधी रणनीति पर चर्चा कीती जाई सकै। रिपोर्ट मूजब प्रदेश पार्टी अध्यक्ष रविन्द्र रैणा होरें केन्द्रीय गृह मंत्री अमित शाह ते जम्मू कश्मीर च चुनां सरबंधी प्रभारी जी.किशण रेड्डी हुंदे कन्ने मलाटी कीती। इस दरान चुनां सरबंधी तैआरिएं केन्द्र शासत प्रदेश दी स्थिति ते होई सकने आले मेदवारें दे नां पर बी बचार बमर्श होआ।

<><><><><><>

## ADM Doda

डोडा दे अतिरिक्त जिला मैजिस्ट्रेट होरें भारतीय नागरिक सुरक्षा संहिता बीएनएसएस दी धारा 163 तैहत् हासल इख्तोयारें दा इस्तेमाल करदे होई जिले च बिजन पेशगी इजाजत लैते दे रैली करने, लाउड स्पीकर लाने जां कुसै होर किट्ठ दे आयोजन पर पाबंदी लाई दित्ती ऐ। इस बारे जारी अधिकारिक जानकारी मूजब एह हुक्म 5 अक्तूबर 2024 तगर लागू रौहग। एसएसपी डोडा होरें गी इस हुक्म गी पूरी चाल्ली लागू कराने लेई आक्खी दित्ता गेआ ऐ।

<><><><><><>

## DEO Poonch

पुंछ दे जिला चुनां अफसर विकास कुंडल होरें कल सब्बने जिला अफसरें, रिटर्निंग अफसरें ए.आर.ओएं ते नोडल अफसरें दी इक बैठक सददी ते जिले च औंदे विधानसभा चुनाएं गी पूरी चाल्ली रमानदारी, साफ सुथरे ते बवस्थाले आले ढंगै सिर करोआने दे बारे च गल्लबात करदे होई इस बारे तैआरिएं दी समीक्षा कीती। बैठक दी अध्यक्षता करदे होई उनें सरबंधी सब्बने अफसरें गी निर्देश दितता जे ओह आदर्श अचार संहिता गी असरदार एंगै सिर लागू करने लेई निगरान टीमें दे गठन ते चुनाएं लेई कार्जयोजना तौले जमा करोआन।

<><><><><><>

## India UN Reforms

भारत नै संयुक्त राष्ट्र सुधारें दी मंग गी फही दोहराया ऐ। त्रिए वायस ऑफ ग्लोबल साउथ सुमित दी भारत नै वर्चुअल तरीके राएं मेजबानी कीती। इस दरान बोलदे होई डॉ. जयशंकर होरें बघदी मंग करी संयुक्त राष्ट्र च सुधारें दी लोड़ दी गल्ल आक्खी। उनें आखेआ जे शिखर सम्मेलन च खुराक, सेहत ते ऊर्जा सनें केई महत्वपूर्ण मुद्दें पर चर्चा होई। उनें आखेआ जे चर्चा दे होर मुद्दें च संसाधने सरबंधी चुनौतिएं संसाधने तगर पुज्ज ते रोजगार ते आर्थिक ना बराबरी गी लेई चिंताएं गी शामिल कीता गेआ ऐ। डॉ. जयशंकर होरें एह बी आखेआ जे मते सारे नेताएं होरने दिल्ली मुद्दें च मोसम च होआ'रदे बदलाव, उत्सर्जन आली चुनौती ते कर्ज बोझ आला मुद्दा बी पुट्टेआ।

<><><><><><>

## Army Commader

फौज दी उत्तरी कमान दे अध्यक्ष लैफ्टिनेंट जनरल एम.के.सुचिन्द्रा कुमार होरें कल जम्मू कश्मीर पुलसै दे विशेष महानिदेशक नलिन प्रभात होरें गी मिले ते बक्ख-बक्ख बलें बश्कार बेहतर तालमेल ते सुरक्षा उपाए दे बारे च चर्चा कीती। प्रभात होरें गी हाल च गै जम्मू कश्मीर पुलसै दा विशेष महानिदेशक नियुक्त कीता गेआ ऐ की जे मजूदा महानिदेशक आर.आर.स्वैन होर 30 सितम्बर गी पिंशनरी होआ करदे न। उधमपुर स्थित उत्तरी कमान नै सोशल मीडिया प्लेटफार्म एक्स पर लिखेआ ऐ जे जीओसी होर जम्मू कश्मीर दे विशेष महानिदेशक हुंदे इलावा महानिदेशक हुंदे नै बी मिले ते पुलस, फौज ते होरने सुरक्षा बलें बश्कार बेहतर ते नेड़मा तालेमल बनाइयै कम्म करने बारे गल्लबात कीती।

<><><><><><>

## Health

केन्द्री सेहत मंत्रालय नै आखेआ ऐ जे मुख्यै च ऐल्लै तोड़ी मंकीपॉक्स दा कोई बी मामला सामने नेई आया ऐ। विश्व सेहत संगठन आस्सेआ मंकीपॉक्स गी अंतर्राष्ट्रीय सेहत सरबन्धी अमरजेंसी घोषत करने मगरा सेहत मंत्री जे.पी.नड्डा होरें नमीं दिल्ली च इक मीटिंग व मंकीपॉक्स पर एह बमारी 2 थमां 4 हफते रौहदी ऐ। मंत्रालय दी जानकारी एह बमारी तां गै फैलदी ऐ जेकर कोई मते चिरे तगर प्रभावत मरीज दे संपर्क च रवै जां कोई व्यक्ति मरीज दे कपड़े लाई लै। बैठक दरान एह फैसला कीता गेआ एहतियाती तौर तरीके अपनाए जाने लोड़चदे तां जे इस बमारी गी फैलने थमां रोकेआ जाई सकै।

<><><><><><>

## Shrine

बुड्डा अमरनाथ जी दी सलाना श्री बुड्डा अमरनाथ श्राईन पुज्जी। पुंछ थमां आकाशवाणी संवाददाता अनुभव मिसरी नै जानकारी दितती ऐ जे छड़ी मुबारक दशनामी अखाड़ा मंदर थमां शुरू होई। छड़ी मुबारक 2 दिनें तगर मंदर च रौहग ते रक्खड़ी दे अगले दिन वापस आई जाग। मुख्य भरै थमां श्रद्धालु इत्थें औंदे न। इनें श्रद्धालुएं यात्रा लेई कीते गेदे इंतजामें पर खुशी ते संदोख जाहर कीता ऐ। उनें खित्ते दे साम्प्रदायिक समोद दी बी सराहना कीती।

<><><><><><>

## Legal Village

जम्मू कश्मीर दे दूर दरेड़े इलाकें च रौहने आले लोकें गी कनूनें बारे जागरूक करने ते उनेंगी न्यायिक सरिस्ते ते प्रक्रियाएं दे बारे जानवर बनाने लेई जम्मू कश्मीर ते लद्दाख दे मजूदा मुख् न्यायधीश ताशी रबस्तन होरें कल किशतवाड़ जिले दे पाड्डर इलाके च अठोली थाहर ग्राम कनूनी दिक्खभाल गर्ज ते समर्थन केन्द्र दा उद्घाटन कीता। इस मौके बोलदे होई जस्सिअस ताशी होरें इस चाल्ली दे केन्द्रें दी ग्रामीण लुकाई लेई न्याय बवस्था जकीनी बनाने च महत्वपूर्ण भूमका ऐ ते इस चाल्ली दे क्लीनकें दे खुल्लने कन्नै मकामी लोकें गी बड़ा मता फायदा पुज्जोग।

<><><><><><>

## Moungri Mela(byte)

उधमपुर जिले दी पंचैरी तैहसील च त्रै रोजा ऐतिहासक सांकरी देवता मेला 30 अगस्त थमां शुरू होआरदा ऐ ते एह पैहली सितम्बर तगर जारी रौहग। इस बारे होर जानकारी देआरदे न उधमपुर थमां आकाशवाणी संवाददाता अचिन दूबे.....बाईट

<><><><><><>

## Jr. Badminton

15 ते 17 बरें दी उमरी थमां घट्ट दे बैडमिंटन खडारिएं दी चीन च शुरू होआ करदी प्रतियोगिता आस्तै भारत थमां 39 खडारिएं दा दल जा करदा ऐ। एह प्रतियोगिता 20 थमां 25 अगस्त तगर चीन च आयोजित होग। अगले बरें भारत जूनियर विश्व चैंपियनशिप दी मेजबानी करै करदा ऐ। इनें 39 खडारिएं दी ताल बेंगलुरु च कीती गई। अंडर-17 आले दल दी अगुवाई जी.दत्तू ते तनवी रेड्डी करगंन। तोआई अंडर-15 दी श्रेणी तैहत्त भारत दी अगुवाई श्याम विडीगणविले ते तनवी पात्री सिंघला होर करगंन।

<><><><><><>